

白氏長慶集卷之五十五

仕佑致仕制



勅自非賢達孰能兼之司徒同平章事杜  
 道以委才名略為國元臣歷事四朝殆逾  
 三紀出專征鎮為諸侯帥入贊台衮為王  
 室輔嘉猷茂績中外洽聞寵任既崇勤勞  
 亦至頃以年登致仕退請懸車方深倚注  
 人未得謝勉就牽率迨茲累年今抗疏披  
 誠至于數匹敦諭頗切陳乞彌堅期於必  
 遂理不可奪守冲知止佑實有焉賢哉大  
 夫今古同道從宜優異之命式表褒崇之  
 禮尚資耆望俾傳東朝可太子太師致仕  
 如天氣晴和亦任朝謁昔初奚申叔皆就  
 請老國有大事入議否臧忠臣愛君豈必  
 在位求觀前事期副茲懷

鄭涵等並大常博士制

某官鄭涵等並早以文行久從吏職輩流  
之問頗為淹滯况雅有學識進修不已禮  
官方缺宜當此選凡朝廷禮制或損益有  
疑中外謚議或褒貶不決爾為博士皆得  
正之所任非輕各敬乃事並可太常博士  
除韓臯東都留守制  
國之都府半在東周末遑時巡方委留鎮  
非位望崇盛加之勤舊者則不足以允  
屬而副重寄也刑部尚書韓臯名德之後  
鬱然公才正行通規貫于終始累遷臺府  
達鎮藩維入修職業出樹風聲故事遺愛  
著聞中外况一登朝序殆三十年舊德耆  
望無居其右俾又東夏僉以為然乃加冢  
卿以示崇寵敬服嘉命永孚于休可檢校  
吏部尚書東都留守

中書舍人韋貫之授禮部侍郎制

典郊祀之禮獻賢能之書今小宗伯實兼  
二事非直清明正者不足以處之中書舍  
人韋貫之沈實賢峻文以禮樂行成於內  
移用於官公直之聲滿於臺閣頃以詞藻  
選登禁掖秉筆書命時稱得人又積勤勞  
宜有遷轉可使典禮以和神人可使考文  
以第俊秀儀曹之選僉議所歸往修乃官  
無替厥問可禮部侍郎餘如故

薛存誠除御史中丞制

庶官之政得人則舉况中執憲準繩之司  
所以提振紀綱端肅內外蓋一職脩者其  
斯任之謂歟給事中薛存誠選自郎署列  
于左曹居必靜專言皆謹正章疏駁議多  
所忠益可以執憲立于朝端况副相方缺  
臺綱是領糾正百官爾得專之夫直而不

紱威而不猛不附上以急下不犯弱以違強率是而行號為稱職敬服斯命往其懋哉可御史中丞餘如故

前長安縣令許季同除刑部郎中

前長安縣令許季同前萬年縣令杜羔除戶部郎中制

頃自郎署分宰京邑而長吏待之小乖常禮雖同辭託故動未得中然遠耻以退道

不失正各從免職亦既踰時况文行政能皆推於眾詢諸時議宜有遷授尚書郎缺

方選才良憲部人曹俾膺並命季同可刑部郎中羔可戶部郎中

京兆少尹辛祕頃守吳興時逢擾亂安人政績著于官常今以汝汾軍部之大方求

京兆少尹辛祕頃守吳興時逢擾亂安人政績著于官常今以汝汾軍部之大方求

良吏委之分憂詢事考能爾當其選往即乃士以舒吾人可汝州刺史

除李遜京兆尹制

近歲京兆長吏數遷誠不便時抑有其故或鈴鍵不謹吏掾為姦或鈎距太煩人受

其弊既非中道皆不得已而罷之宜求恬智寬猛相濟者親諭斯旨使久於其職以

息吾人浙江東道觀察使御史中丞李遜十年以來連守四郡或紛擾之際或荒饑

之餘威惠所加罔不和輯賞其殊績擢在大藩自臨會稽一如舊政况省副朝旨江

俗通津梁以息征動遵詔條深副朝旨江南列鎮良帥則多集課程功爾為稱首而

內史之選又難其人今予所求唯爾可使雖表率州部其委非輕然尹正京師所資

尤急宜輟材於浩壤仲觀政於輦轂望爾

白氏文集卷五十五

有成無替厥命可權知京兆尹

除孔幾等官制

渾金璞玉方圭圓珠雖性異質殊皆國寶也。是故能官人者亦辯而用之。諫議大夫孔幾靜專貞白不涉聲利執言守事無所依違。駕部郎中薛存誠廉潔直方。飾以詞藻。中立不倚。介然風規。吏部員外郎王涯。端明精實。加之敏懿。文茂學尤。推於時。並歷踐朝行。恪勤官次。諫垣郎署。藹其休聲。宜加公獎。擢在近侍。左右禁闈。可以同升。必能評奏。臺議發揚。綸誥臨事。有立屬詞。可觀各隨所長。分命以職。祗奉乃事。無替厥猷。幾存誠並可給事中。涯可兵部員外郎。知制誥。

六官之屬選部郎首之歷代以來諸曹郎

之中擇其踐歷久考第高加。又有器局律度者。遷焉。今之選任亦由是矣。兵部員外郎李建文。行才理公。勤課績。謂可。且美宜。居厥官。歲調方殷。勉勤爾事。可。吏部員外郎。

除劉伯芻虢州刺史制

給事中劉伯芻。以文雅才名。給事左闈。實掌駁議。再逾歲時。亦謂恪勤。宜從遷轉。而虢略近郡。黎人未康。籍爾良能。為予撫字。懸賞佇効。勉哉是行。可授虢州刺史。西受降城。尤居邊要。西戎北虜。介乎其間。委之郡符。建以戎號。將守之選。宜乎得人。前汝州刺史周懷義。又列禁衛。嘗從征伐。又領軍郡。率著勤功。宜加獎用。可屬憂寄。况茲要鎮。實扼戎吭。擣角諸軍。局鑄右地。

牧人訓旅兼領非輕無替前勞在申後効  
可豐州刺史天德軍使

師長之選重難其人况河上列城鄴中雄

鎮初喪良帥思安衆心若親與仁方膺是

命某官王其出忠入孝根乎至性好學樂

善出於餘力發自脩己施于爲政可以守

土可以長人今兩河之間三軍之帥是用

命爾領茲大藩澄清魏風輯理相土爲我

垣翰求孚于休往其欽哉無替厥職可魏

博等州節度觀察使

除其節度留後起復制

懋勲德者慶鍾于嗣襲忠順者教本于親

於是乎有代及之恩有賞延之命所以光

子道而激臣節也茲惟舊典可舉而行某

官某惟乃祖父勤勞王家咸有忠功書于

甲令降及於爾亦克負荷早承義訓父倅

戎麾自罹憫凶能著成敬恭俟朝命靖安

人心雖在幼冲足可嘉獎今屬元戎初喪

衆望顯然宜選親賢以爲統帥留府之事

俾爾專之加我秩以奪哀遷冬卿以示寵

幸揚新命無忘前修爾宜懋哉懸賞佇効

可節度留後檢校工部尚書

除薛平鄭滑節度制

武牢以東至于白馬形制之地水陸之會

官擇文武兼備者以爲守臣右衛將軍薛

平自司禁旅爲我爪牙訓整警巡能宣其

力嘗使于絕國可謂有勞嘗牧于大郡力

聞有政况忠厚爲質通明爲用秉吏道之

刃天襲將門之弓裘可以爲三軍之帥可

以理千乘之賦俾輟才於北落性節制於

東方爾宜式遏四封輯寧百衆明簡稽以

實軍旅信賞罰以勸吏人勉率乃職無忝  
廢命仍以冬卿副相兼而寵之可檢校工  
部尚書兼御史大夫

除盧士玟劉從周等官制

君有舉左史得書之政有闕諫官得補之  
二職者歷朝之清選也前侍御盧士玟嘗  
在西川時為從事亂危潛伏能潔其身前  
監察御史劉從周頃佐宣城奉公守政端  
士之操終然不渝時所稱論並宜甄  
獎况學術詞藻見推於衆並命清貫僉以  
為宜記事盡規各佇能效士玟可起居郎  
從周可右補闕

張正一致仕制

前諫議大夫張正一學行器用為時所稱  
擢居諫官冀効忠謹雖年齒未暮而衰疾  
有加所宜願養不可牽率俾移優秩以從

致政可國子司業致仕

張正甫蘇州刺史制

浙右列城吳郡為大地廣人庶舊稱難理  
多選他部二千石之良者轉而遷焉鄧州  
刺史張正甫自領南陽僅經三載廉平清  
簡以臨其人上安政和理行第一宜以大  
部推而廣之用旌前勞且佇來効可蘇州  
刺史

崔清晉州刺史制

左司郎中崔清以才良行敏補尚書郎頗  
積公勤宜加獎任頃嘗為郡才聞有政平  
陽舊壤時謂名藩得才與能方可共理安  
人訓俗佇有成績可晉州刺史

除柳公綽御史中丞制

中憲之設糾繆懲違一引其綱百職具舉  
非清與直不為厥官諫議大夫柳公綽忠

實有常文以詞學介然端直有古之遺風  
頃居臺憲累次郎位持平守正人頗稱之  
擢首諫司器望益重今副相缺位中司專  
席惟有守者可以執憲惟無私者可以閉  
邪詢事審官爾當是選光昭新命振起  
舊章宜一心聽揚其職可御史中丞  
馭下安人其道不一或序能以次用或因  
效以俊才所命雖殊歸同共理其職其官  
日興時屬本軍初喪戎師亂政或啓羣心  
不寧而與列在偏裨奮其義勇謀成必中  
事至能斷智略所及指麾所加一軍獲安  
百衆悅附連獻章疏恭俟制命有節有禮  
朕用嘉之夫以奇材如彼軍情若此元膺  
不次之舉可責非常之功是用寵之冬  
擢為大將仍以印綬就拜軍中行乎敬之

哉無墮乃力可檢校工部尚書兼御史大夫  
魏博等州節度觀察等使

除鄭餘慶太子少傅制

東朝三步歷代重選不必備位在乎得人  
吏部尚書鄭餘慶貞明檢素有古人風發  
自修身施於為政出入中外多歷要重咸  
有勤績存于官次况動中禮法學綜儒玄  
是謂羽儀之臣可居師傅之任輔我元子  
爾其勉歟可太子少傅

除裴堪江西觀察使制

江西七郡列邑數十土沃人庶今之奧區  
財賦孔殷國用所係茲為重寄宜付長才  
同州刺史裴堪素蓄器幹久經任遇日者  
資其忠諒入為諫議大夫籍其良能出為  
左馮翊曾未周歲政立績成區區一部未  
盡其用鍾陵要鎮可以委之夫簡其條章

平其賦役徇公率正以臨其人而人不  
未之有也祗服厥命往修乃官仍兼中憲  
以示優寵可江西觀察使兼御史中丞  
贈杜佑太尉制

生有爵祿歿有褒贈此王者所以崇哀榮  
之禮厚君臣之恩況有輔臣所宜加等某  
官致仕佑以通濟之才公忠之節逢時入  
用為國大臣外領藩鎮內參台鉉積勤盡  
悴迨過三紀左右于位亦既八年天不  
遺奪我元老憫然興歎實軫于懷永言  
榮俾峻禮命上公之秩用賁幽靈嗚呼  
錄舊旌勞知予不忘可贈太尉

京邑令除孔戢萬年縣令制  
部員外郎孔戢自御史府廷夏官之屬凡  
所蒞職一心奉公在郎署間稱有名實加

以文學緣飾吏能俾宰京劇佇有成效

馮翊之地密邇郊畿分內史之政參京師  
之化俾善所職其在得人京兆少尹裴向  
器蘊大利用學通政事久試吏治頗著良能  
累守大郡入亞天府奉上撫下皆有可稱

左輔之重爾膺其選况征賦猶重人庶未  
康實望良才與之共治勉副所舉往修厥

官可同州刺史除武元衡門下侍郎平章事制

朕嗣守丕業將十年實賴一二輔臣與之  
共治故外鎮方域則仗以為將有絳侯厚  
重之質有邴吉寬大之風自登台司克厭  
人望頃屬巴蜀軍後人殘權委節旌俾往  
鎮撫信及夷貊恩加疲瘵每因利以施惠  
不易俗而修教政夫苟得人用便安惠茲



一方時乃之績報政既久屬望益深宜歸  
左輔以參大政夫坦然公道可以叙衆才  
曠然虛懷可以應羣務弼違救失不以尤  
悔為慮進善懲惡不以親讎自嫌用此輔  
君足為名相欽率是道往復乃官可門下  
侍郎同中書門下平章事

征鎮之大實惟蜀川西節度使制  
除李夷簡西川節度使制

有重江複山之險有長穀堅甲之旅水陸  
交會華夷雜居疇能治之我有良帥山南  
東道節度使其官李夷簡以正事上以簡  
臨下仗茲器用累當任遇執憲之難也爾  
為臺丞其職甚舉司計之重也爾調邦賦  
其効可稱爰資長才出領重鎮自摠符鉞  
于漢之南專奉詔條削去弊政均穀籍不  
之賦罷舟車無名之征近悅遠來歸如

流水俗用不二變人迄小康三載考功爾  
為稱首進其右秩迂于大藩以均惠乎四  
方以旌勸乎羣吏昔文翁明於教化種焉  
優於政能巴蜀之間遺美猶在不替前効  
可於嗣之佇聞有成用光厥命可檢校吏  
部尚書劍南西川節度等使

漢以二千石之良者入為公卿周以六官  
降表滋襄陽節度制

之賢者出兼侯伯內外之任所命則殊至  
於治軍國寵忠賢其致一也戶部尚書表  
滋奉上甚勤臨下其簡安人附衆尤是所  
長須資其能移鎮東郡略其科禁緩其征  
徭政不滋彰人用休息在部七載績戎  
高璽書徵還益聞遺愛老幼遮道事鄰右  
人朕方勤卹疲氏褒獎循吏累月再命其  
有旨哉舉鄭滑之政也故旌武公之美寵

以司徒憂襄漢之人也故仗叔子之才委  
茲征鎮類能而使其在此乎勉揚厥聲無  
替前効可某官山南東道節度等使  
歸登右常侍制

近侍之列騎省為貴歷代迄今選任頗重  
必詢望實而後命之工部侍郎歸登朴中  
沉厚心無詭詐介圭不飾止水無波澹然  
自居以致名稱抱此素行歷踐清貴掌議  
左掖貳職冬官歲時滋深體望益茂可以  
備顧問應對之選列言語侍從之臣冠附  
貂蟬立之于右訪諸時論僉以為然可右  
散騎常侍

隋州刺史李程頃自周行出分憂南  
大郡守之五年頗著良能宜當選獎况專  
習又學通知兵事西南重鎮初委元戎慎

選副車爾當此舉三軍之重俾往貳之乃  
加憲職以示優寵可御史中丞劍南西川  
行軍司馬

李翱虞部郎中制

金州刺史李翱雅有文藝飾以政事早從  
吏職又領郡符謹慎廉平頗副所任虞曹  
郎缺命以序遷敬茲寵名勉守厥位可尚  
書虞部郎中

牛僧孺監察御史制

河南縣尉牛僧孺志行脩飾詞學優長頃  
對策于庭其言甚直累從吏職頗謂滯淹  
訪諸時論宜當朝選俾升憲府以觀其才  
可監察御史

裴克諒量留制

華州刺史奏華陰令裴克諒在官清白奉  
法考秩白滿其政如初借留三年用觀成

績朕方旌求良吏俾養黎元適副所懷宜可其奏

前湖州長史張聿都水使者制以藝文擢升朝列嘗

求祿養出署外官各不為身志亦可尚喪

其既畢班序當遷俾領水衡以從優秩可

都水使者薛伾郵坊觀察使制

郵時延安祗于中部羌夷種落散在其間

戎夏雜居易擾難理宜選寬明之使通知

邊事者委以符節而糾綏之右金吾將軍

薛伾服勤戎職練達吏道出入中外綿歷

歲年能一乃心以宣其力自加寵遇再執

金吾微巡有嚴夙夜匪懈在公若是何用

不臧况為人沉靜內肅外和按俗守封是

其所善宜輟務於誰何俾宣風於廉察庶

手勞僕諸部綱紀列城奉詔條以安人叅

戎索以訓旅欽承厥命往復乃官仍踐冬

州觀察使韓愈北部郎中史館脩撰制立詞

大學博士

措意有班馬之風求之一時甚不易得加

以性方道直介然有守不交勢利自致名

望可使執節列為史官記事書法必無所

苟仍遷郎位用示褒升可依

宿州刺史李暈安州刺史制

戎衛頗著勤勞試守列城觀其為政屬汴

泗之右創畫州居府署城池委之經始一

日必葺三年有成且聞公勤宜有遷轉重

分憂寄再佇良能往安吾人無忝厥命可

宿州刺史李暈安州刺史制

戎衛頗著勤勞試守列城觀其為政屬汴

泗之右創畫州居府署城池委之經始一

日必葺三年有成且聞公勤宜有遷轉重

分憂寄再佇良能往安吾人無忝厥命可

宿州刺史李暈安州刺史制

安州刺史

寶易直給事中制

前御史中丞寶易直器質識智享重開敘  
文合法要學通政經累踐臺郎擢司邦憲  
寬猛舉措甚得其中官不易方府無留事  
前因病免今以才遷俾升瑣闥以備顧問  
夫制令奏議官獄典章苟有依違皆得駁  
正所任不細宜敬乃官可給事中

孟簡賜紫金魚袋制

漢制二千石有政績者就加寵命不即改  
移蓋欲使吏以於官人安其化也常州刺  
史孟簡七易勤儉以養其人政不至嚴心  
未嘗怠曾未再稔績立風行歲課部政昆  
陵為最方求其理實獲我心宜加命服以  
示旌寵庶俾羣吏聞而勸焉宜賜紫金魚  
袋

盧元輔杭州刺史制

河南縣令盧元輔早以學藝列在周行嘗  
守商都頗聞有政再領京縣益見其才江  
南列郡餘杭為大征賦猶重疲人未康籍  
爾登車往分憂矚勞俸安輯稱朕意焉懸  
賞旌能以行報政可杭州刺史

錢徽司封郎中知制誥制

中臺草奏內庭掌文西掖書命皆難其人  
也非慎行敏識茂學懿文四者兼之則不  
在此選祠部郎中翰林學士錢徽藹然儒  
風粲然詞藻縝密若玉端直如弦自參禁  
司益播其美貞方敬慎久而彌彰應對必  
見於據經奏議多聞於削藁台今六載其  
道如初嘉其忠勤宜有遷擢俾轉郎吏仍  
參綸閣茲乃榮獎爾其敬承司依前件  
獨孤郁司勳郎中知制誥制

考功員外郎知制誥獨孤郁學識文行侍  
論所推選自外郎擢居右闈絲言樞命既  
重且推委以發揮其聞稱職而端諒忠謹  
介然自居爲臣若斯足可嘉獎官當滿歲  
職亦逾年宜從美遷以光近侍可司勳郎  
中知制誥

白氏長慶集卷之五十五

白氏長慶集卷之五十六

王承宗詔

勅王承宗朕臨馭天下及此五年三叛誅  
夷四方清泰不以武功自負常推恩信爲  
先爾父云亡即欲命卿受詔而遠近方鎮  
內外人情紛然奏陳皆云不可朕以卿累  
代積勳賢之業一門有忠義之風功著艱  
危恩連姻戚雖中心是念而衆請難違可  
否之間久不能決然亦欲觀卿進退之禮  
察卿忠孝之心卿自罹憫凶屬經時月待  
使臣而動皆得禮奉章疏而言必由衷謹  
獻官員願輸貢賦而又上陳密款遠達深  
誠潔身而謀出三軍損己而讓推二郡斯  
有以得臣子之大節知君親之大恩卿心  
旣然朕意亦定特加新命仍撫舊封今授  
卿起復左金吾衛大將軍檢校工部尚書

充成德軍節度使恒州刺史恒冀深趙等  
州觀察等使兼御史大夫仍賜上柱國并  
賜告身旌節等往想卿忠孝哀感兼深其  
德棣兩州以御進讓元欲於御親屬之內  
選授一人法雖有推恩相時亦恐非便  
今所以除薛昌朝德棣兩州觀察使昌朝  
旨嘗事卿先父今又與卿親鄰卿宜具以  
誠懷令報昌朝知委卿今授命之後足得  
節制三軍使其不失事宜方見卿之忠蓋  
昨者衆情易惑非卿不能効此羣議難排  
非朕不能斷此意所宜保持大義勉勵遠  
圖深念斯言求副子望其當軍大將已下  
各宜特與改轉卿即條鑄聞奏其官健等  
亦宜量加優賞想宜知悉

卿先父頃逢多難嘗立大功每想志勞豈

答李遜等謝恩令附入屬籍表

忘存歿念先臣之績雖書名於太常惟同  
姓之恩更附籍於宗正俾增榮於一族兼  
延寵於九原卿等或詩禮承家或弓裘奉  
業咸鍾新命慶屬本枝省所謝陳深加誠  
懇

祭盧虔文

維元和四年歲次己丑七月日皇帝遣某  
官某以清酌庶羞之奠致祭于故祕書監  
贈兵部尚書盧虔之靈惟爾質性端和風  
猷茂遠名因文著位以才升秉大節而事  
君始終一致陳義方而訓子忠孝兩全甲  
族推華士林增美父在貂蟬之列近遷圖  
籍之司方延寵光遽閉幽安褒獎之命雖  
已表於哀榮遣奠之恩宜再申於軫悼魂  
兮不昧鑒此誠懷尚享

批李夷簡賀御撰君臣事跡屏風

朕思求理表化親閱典墳至於去邪納諫之  
 規勤政慎兵之誠取而作鑒書以為屏與  
 其放在焉書心存而景慕不若列之繪素  
 目觀而躬行庶將為後事之師不獨觀古  
 人之象卿詞章恭順義見忠規省覽再三  
 深叶朕意所賀知  
 批百寮嚴綬等賀御撰屏風表  
 朕烈祖太宗以古為鏡用輔明聖實臻理  
 平垂作孫謀每懼乎失墜最為殷鑒遂飾  
 丹青至若明君直臣前言往事森然在目  
 如見其人論列是州既庶幾為座隅之誠  
 發揮獻納亦足以開臣下之心况卿等職  
 在儀形政當補察各勤所任共副茲懷  
 實知

荅杜兼謝授河南尹表

卿文通吏道學達政源九歷官常輟聞績  
 効觀能以授俾亞理於三川見可而遷宜  
 專臨其一府盡委封畿之政仍兼運漕之  
 權歲時之間佇有勤効勉恭尔職重副予  
 懷所謝知

與茂昭詔

勅茂昭盧校等至省所奏恒州事宜并別  
 論請陳獻者具悉卿望重動賢寄崇藩鎮  
 謀參廟筭寵接國姻累上表章繼陳誠款  
 求言智略已見匡濟之才載念公忠益表  
 感知之志若非勞瘁憂國義勇忘家則丹  
 赤之心不能至此想風興歎至于再三所  
 緣恒州事宜朕亦思之甚熟但以武俊率  
 身仗順於國有功忠勳所延宜及俊嗣承  
 又密陳深款遠獻忠誠既念舊勞已降成  
 命計其奉詔必合感恩如或乖違續有商

議卿宜以睦鄰為事體國為心想卿誠懷當悉朕意

與師道詔

勅師道省表具悉卿業重相門位崇戎闈忠輸于國行著于家久而益彰嘉數無已所奏亡兄誦古請列於私廟昭穆者此乃心推孝友誠切恭敬覽表見情深足嘉尚但以祠廟所是貴於禮成師古雖則始營至卿方行祔禮即卿為廟主固合其宜况師古爵位尊崇弘選自合祔廟別主祠宇使其主之奉以蒸嘗亦非之祀也己令有司重議如此頗謂得中且叶禮經卿宜知悉

與於陵詔

勅於陵省所賀安南破環王國賊帥李樂山等三萬人者具

討兇徒喪敗荒激清平卿素蘊忠誠又連封壤疾既同於山藪勢益壯於輔車想聞捷書當倍慰愜載省所賀深見乃懷

答段祐等賀冊皇太子禮畢表

朕祗膺統序恭守典常爰推至公乃命長子使主國豐用貞邦家冊畢禮成良增感慶卿等各司軍衛同奉表章備見忠誠益深嘉歎所賀知

答李詞賀處分王士則等德音表

朕臨馭天下以懲勸為先有惡必誅無功不念顧承宗之罪誠合討除思武俊之勳宜令嗣襲况墳墓禁其剪伐將校許以歸降庶明用師蓋非獲已卿職修卿寺誠奉本枝省茲賀章倭見忠盡

與吐蕃宰相鉢闡布論書

勅吐蕃宰相鉢闡布論書勅藏至省



表及進奉貝悉卿器識通明藻行精潔以  
為真實合性忠信立誠故能輔贊大蕃叶  
和上國弘清淨之教思安邊陲廣慈悲之  
心令息兵甲既表卿之遠略亦得國之良  
畧况朕與彼蕃代為甥舅兩推誠信共保  
始終覽卿奏章遠叶朕意拔閱嘉嘆至予  
再三所議割還安樂秦原等三州事宜已  
且前書非不周細及省來表似未指明將  
期事無後艱以在言有先定今信使往來  
無壅疆場彼此不侵雖未甲以會盟亦足  
稱為和好必欲復脩信誓即須重畫封疆  
雖兩國盟約之言積年未定但三州交割  
之後剋日可期朕之衷情卿之志願俱在  
於此豈不勉歟又緣自議三州已來此亦  
未發專使今者贊普來意欲以再審此言  
故遣信臣往諭誠意則不假別使更到東

軍此使已後應緣盟約之事如其間節目  
未盡更妥商量卿但與鳳翔節度使計會  
此已處分今其奏問則道路非遙往來甚  
易頗為便近亦冀遠成更待要約之言苟  
已指定封疆之事保無改移即蕃漢俱遣  
重臣然後各將成命事關久遠理貴分明  
想卿通才當稱朕意曩者鄭叔矩路泌因  
平涼盟會歿落蕃中比知叔矩已亡路泌  
見在念茲存歿每用惻然今既約以通和  
路泌合令歸國叔矩骸骨亦合送還表明  
信誠兼亦在此其論與勃藏等尋到鳳翔  
舊例未進表函節度不敢聞奏自取停滯  
非此稽留昨者方進表函旋令召對今便  
發遣更不遲迴仍令與祠部郎中兼御史  
中丞徐復及中使劉文瓌等同往其第事  
宜已具與贊普書大卿宜審於謀議遠副

誠懷兼有少信物賜卿具如別錄至宜領也冬寒卿比平安好遣書指不多及

與希朝詔

勅希朝省所奏請自部領當道兵馬一萬五千人取蔚州路赴行營并奏土門及承天軍各添兵士備禦者具悉卿武毅雄才忠真大節出為良將倚作信臣約已徇公忘身許國忿違命不恭之極激勤王自効之心親統銳師率先羣帥况又周知要害備設防虞計其威聲已振兇醜有臣如此朕復何憂佇建殊功以副深望所有動靜宜數奏聞想當知悉

與師道詔

勅師道朱向至省所奏當道赴行營兵馬取正月過渡河逐便攻討并奏兵馬出界後請自供一月糧料又奏待收下城邑若

有軍糧一月已後續更支計并陳謝慰問者具悉卿文武間生忠貞特立動有所効知無不為昨獻帛助軍極盈數於萬疋今又賫糧出境減經費於三旬此乃力之所任無不罄竭慮之所及無不經營因時見憂國之心臨事識忠臣之節詔書慰諭未盡朕懷章疏謝陳益嘉乃志再三與歎寤寐難忘其所奏聞並依來表想宜知悉

與劉濟詔

勅劉濟李臯至省表及露布十二月十七日劉緄部領當道行營兵馬收下饒陽縣城破賊衆三千人并擒斬將校收獲馬畜器械等兼送賊將朝履清等四人又進所收饒陽縣等者具悉卿盡忠伐叛發漁陽精銳之師緄仗順臨戎討冀方昏狂之寇詔下而父子戮力鼓行而將卒齊心先羣

帥以啓行首諸軍而告捷連擒逆將併下  
賊城歸獻罪之俘囚進已收之縣邑可謂  
忘身徇國盡禮事君疾風知偃草之心  
雪見貞松之節况表章之內益歎恭勤而  
眷想之勢如觀風彩計茲兇醜當已震驚  
破竹之勢可乘覆巢之期非遠佇請大敷  
重副深懷其饒陽縣卿宜且令鎮守稍加  
字撫用勸將來宋常春卿所密奏具委事  
情且宜叶和以體朕意

祭吳少誠文

維元和五年歲次庚寅十一月辛未朔二  
日壬申皇帝遣內侍省內府局丞楊緋魚  
袋孫士政以清酌庶羞之奠致祭于故彰  
義軍節度使賤司徒吳少誠之靈曰惟爾  
武毅挺質韜鈴技身負勇果之雄材蓄變  
通之明識自察廉列郡節制成師貞且有

威勤而不擾軍戎輯睦封域底寧從義而  
臣誠伏願而保福既延寵渥方茂輝榮遽  
此幽淪深用傷悼逝波不捨去日苦多想  
松檟以軫懷聞鼓鼙而興歎恩加遣奠禮  
舉褒崇念爾有靈知予此意尚饗

與季安詔

勅季安省所奏當道行營兵馬今日十七  
日已收棗強縣其賊棄城夜走者具悉卿  
輸忠報國嫉惡志家遣無敵之師伐不襲  
之寇軍聲遠屆先路以風行逆黨潛知棄  
城而宵遁已收縣邑益振兵威此皆卿訓  
練所加指麾有素求言明効實屬深懷因  
可乘勢應機逐便進討以卿忠蓋當副朕  
心

與希朝詔

勅希朝張嘉和至省所奏前月二十六日

破逆賊回湟鎮六千餘人且悉卿親領銳  
師誓誅逆黨張軍心以吞敵奮士力而指  
蹤潛戒偏裨先攻險阻代謀而事有成筭  
剋日而動不愆期果敗兇徒逐據要地况  
殺傷既眾收獲頗多益壯軍威可奪虜氣  
佇聞掃蕩以慰衷懷

與從史詔

勅從史曹公又至省所奏今日三日栢鄉  
縣南破賊眾約三萬人并擒斬首級收獲  
器械及馬等又奏當軍所傷士馬數并量  
事優卹事宜且悉卿外揚武略內竭忠謀  
率有名之帥深入其阻遇無狀之寇大挫  
其鋒兵刃屢加捷書頻至殺傷數廣績効  
居多非卿悉力推兇誓心報國則何能指  
麾之下動必成功表奏之間事皆審實既  
光重委益副深懷嘉歎再三不忘寤寐所

奏承璫出軍合陣并續發露布事宜且委  
所陳理想當知悉

與季安詔

勅季安許峯至省所奏且悉卿勲親重德  
台輔元臣竭誠信以戴君弘識度而體國  
謀能極慮言必盡忠周覽表章益增寤歎  
吳少陽自參軍務頗効恭勤豈待奏陳已  
有處分想宜知悉

與昭義軍將士詔

勅昭義軍節度下將士等卿等當軍將士  
與諸道不同自經艱難多易將帥而忠順  
之節未嘗有虧朕每思之無時暫忘盧從  
史為卿主將作朕藩臣權位尊崇恩寵優  
厚而乃外示恭順而懷姦邪刻削軍中暴  
殄境內朕以君臣之道未忍發明為之含  
容頗有年月近又苟求起復請討恒州與

賊通謀爲國生患自領士馬又屯行營收  
當軍賞設之資加本道芻粟之估不爲公  
用盡入私家此則主將之恩於卿何有臣  
子之分負朕實深卿等辯邪正之兩端識  
逆順之大義抱忠勇者耻居其下守各節  
者憤發於中失三軍之心已聞大去犯衆  
人之怒果見不容遠察事宜備知誠歎與  
言嘉歎至于再三其當軍將士等賞設已  
有處分上自將校下及士卒各勦爾志再  
思朕言卿等承前已來常保忠貞之節自  
今已後求爲心腹之軍宜念始終副茲矚  
望故今宣慰宜並悉之夏熱卿等各得平  
安

與承確詔

勅承確卿摠領禁軍控臨戎境見敵每彰  
其勇敢因事議表其忠勤言念在懷發於

寤歎昭義軍將士等去邪遠惡仗義保忠  
統其成師宜得良帥孟元陽夙懷武毅累  
著功庸威名甚彰人望所屬以之爲帥必  
愜軍情以之討賊必有勳績今授元陽檢  
校尚書右僕射充昭義軍節度等使未到  
行營問其昭義軍卿宜加宣撫務使安寧  
烏重胤職在偏裨保於忠正宜從獎擢以  
表殊恩今授烏重胤河陽節度使兼御史  
大夫卿亦宜諭此恩意今知朕心兼恐河  
陽無人速宜進發想當知悉

與元陽詔

勅元陽澤潞全軍方討恒冀盧從史虧失  
大節苞藏二心姦迹邪謀今日已自露軍情  
物議俱所不容尋追赴朝今已在道朕以  
昭義將士忠順成風况在行營又勤戎事  
今欲使其戰者奮發居者悅安共成大功

必在良帥之甚熟無以易卿宜領重藩仍遷  
政令思之授卿檢校尚書右僕射充澤潞節  
崇秩今使并賜旌節告身等往卿宜速發先  
到潞府上訖便赴行營慰安軍心宜諭朕  
意烏重胤徇忠守節宜加獎用今便授重  
胤河陽節度使兼御史大夫想宜知悉

勅昭義軍節度使下將士等卿等又在行營  
下無主將而士旅輯睦軍壘安寧足彰守  
正之心尤見盡忠之節以此歎矚勞於寢  
興孟元陽是朕信臣為國良將威略可以  
懾兇孽慈和可以牧師人累著忠勤克諸  
朕命為其主帥必副羣情况卿等同嫉姦  
邪又困貪暴宜以仁賢之帥撫卿忠義之  
軍靖思元陽無出其右今授元陽檢校尚

書右僕射充卿等當道節度使勉同王  
以慰朕懷烏重胤特効忠誠深宜獎擢今  
便授河陽節度使兼御史大夫故令宣慰  
並宜知悉

與師道詔

勅師道林英至省所陳奏并進王承宗與  
卿書者具悉王承宗童騃無知兇囂有素  
雖籍祖父之寵曾微分寸之勞但以武俊  
勲在冊書姻連戚屬朕獨排羣議特降殊  
私未卒父喪使承祖業即加新命仍撫舊  
封則朕於承宗恩亦至矣而偽陳誠欺  
誑使臣假託軍情拒違詔命則承宗於朕  
罪莫大焉悖禮亂心暴於天下此乃承宗  
于國家之紀非朕忘武俊之功遂至用師  
蓋非獲已仍開生路許以自新而梟音不  
俊鴟張益熾人情共棄國典不容在於朕

心安敢輕捨卿既膺注意義感酌恩所獻  
表章具已詳覽慮深遠計詞切謹言在忠  
謀而則然於事體而未可誠嘉勤至難允  
懇懷令諸道將帥親領士馬深入寇境頻  
奏捷書四面合圍一心旅進窮迫已甚覆  
滅非遙况卿同遣師徒已收縣邑異清氛  
孽佇見功名勉於令圖副此矚望

與師道詔

勅師道任文質至省表具悉盧廷史頃者  
請率全師誓清妖孽朕推誠待物許之不  
疑而背恩於上結怨於下邪謀貳志日以  
彰聞虧大節而自絕於君積羣怒而不容  
於衆因以邀命幸而脫身屈法申恩已有  
處分昨者詔旨已明示卿上體國為心事  
君盡力固宜有聞必薦有見必陳竭其忠  
諒之誠濟其獻替之美省閱章奏嘉歎良

多

與茂昭書

勅茂昭王日興至省所奏今月十八日大  
破賊衆一萬七千人并擒斬收獲訖者具  
悉卿親率勁兵誓平妖寇竭股肱之力中  
有奇謀勵父子之軍前無強敵故能深入  
賊境大破兇徒教傷旣多俘獲亦廣具詳  
奏報備見忠勞眷矚之懷發於 歎將士  
等各懷勇烈同忿寇讎激於衆心致此殊  
効况荷戈於炎暑之際奮身於絳刃之間  
求念於茲未嘗暫忘故令宣慰宜並悉之  
與昭義節度親事將士等書

勅昭義軍節度下親事將士等盧從史受  
恩至重負國至多衆所不容追令赴闕朕  
以候會任使貴全始終今則止於貶官此  
盖曲從寬典卿等抱忠懷義朕所素知頃

以詣營同事從史三軍一體俱是王臣既不相干又能自効朕方優賞以酬功勳何至不安有此疑懼必恐從史已追之後元陽未到之間卿等當營乍無主將或被外人扇誘令衆意憂疑勢使之然事非獲已朕雖在此遠有軍情料卿本心必無此意况元陽勤儉恤下寬厚愛人以在河陽甚近澤潞元陽臧否卿等合請以卿忠義之軍故擇仁賢爲帥已有詔示宣諭元陽苦到行營一無所問乃至將士家口亦令優卹安存卿復何憂必得其所况昭義將士艱難已來保守忠貞未嘗虧失天下稱歎卿亦自知又卿父母妻兒家田墳墓一物已上並在潞州頃刻之間豈忍便棄朕之此語卿宜細思各相勉諭同保忠順計元陽已合到彼卿等便取元陽指麾想卿等

心必副朕意故令宣慰宜並悉知

與執恭詔

勅執恭王克謹至省所奏今月八日進救平昌縣已令鎮守并奏劉濟欲與卿約義事者具悉卿奉辭伐罪仗節啓行指顧偏裨收獲城邑已令鎮備兼務緝綏威惠之方旣明吊伐之義斯在求言高任爾注衷情聖濟將相大臣與卿先父同列欲求契約固合允從豈唯繼好私情亦足叶心王事載省來奏深鑒乃誠至於寢興不忘嘉矚

與恒州節度下將士書

勅成德軍節度下將士等朕以王者之道與物無私若違命執迷則罔有容捨若知非改悔則無不含弘不窮無告之人不塞自新之路頃矚姦臣從史謀議異端致使



恒陽隔於恩外六郡之地皆廢農桑三軍  
之人並懼鋒鏑每一念至中心憫然今卿  
等繼獻表章遠輸誠款省承宗之勤懇難  
阻其情思武俊之攻勞不能無念况事因  
註誤而理可哀矜今已降制書各從洗雪  
承宗仍復舊官爵充恒冀深趙德棣六州  
觀察使成德軍節度使將士等官爵實封  
並宜仍舊待之如初卿等各宜叶力同心  
知恩感德共保終始稱朕意焉故今宣慰  
宜並知悉

與承宗詔

勅承宗頃者盧從史苞藏姦誑矯示公忠  
下誣物情上惑朝聽使卿陷於違命使朕  
至於用兵交亂君臣罪有所在今從史已  
正刑典遠棄驩州構亂者既就屏除誘陷  
者自宜明白况卿代連姻戚朕豈不思祖

有功勞朕豈不念事不得已勢至如斯棄  
絕已來常懷憫惻卿今既陳章疏懇獻衷  
誠請進官員願脩貢賦誓心以納款歸罪  
而責躬情可哀憐法存開釋朕託于人上  
及茲六載體天地含弘之德厚君臣終始  
之恩常以人安為心豈致物失其所今所  
以開獨見之路降非常之恩卿及將士等  
已具制書並從洗滌卿仍復舊官爵便充  
恒冀深趙德棣等州節度觀察等使并賜  
旌節告身等牲爵土仍舊君臣如初想卿  
中懷當自知感所宜追補前悔勉勤後圖  
夙夜思之末副朕意想當知悉

批宰相賀赦王承宗表

先臣武俊功不可忘後嗣承宗過而能改  
朕所以捨其罪悔義以勸親垂宥過之恩  
尚宜及爾十代引泣辜之責誠合在予一

人與其驥武而取威不若匿瑕而務德卿  
等重居台輔密贊謀猷發於衷誠有此誦  
賀省閱章奏嘉歎久之

與劉濟詔

勅劉濟省所謝男詔及孫景震等授官并  
謝賜器仗弓甲刀斧等者且悉卿文武全  
才將相重任本於忠諒成此勳勞尚德尊  
賢位已極於台輔念功懋賞寵宜及於子  
孫時論允歸朝章斯舉至於出茲戎器賜  
我元臣但可以申朕恩私未足以表卿功  
績載覽來表備見乃誥併此謝陳益嘉勤  
盡

代王似答吐蕃北道節度論贊勅  
藏書 奉勅撰

大唐朔方靈監豐等州節度使檢校戶部  
尚書寧塞郡王上必致書大蕃河西北道

節度使論公麾下遠辱來書兼蒙厚賜慰  
悚之至難述所懷國家與彼蕃伏為舅甥  
日洽恩信雖云兩國實若一家遂令疆場  
之臣得以書信相問况麾下以公忠之節  
雄勇之才翊佐大邦經略北道似近蒙制  
命守在邊陲慰望之情一二難盡皇帝以  
贊普頻遣和使懇求通好凡此邊鎮皆奉  
朝章但令慎守封陲不許取令侵軼至於  
事理彼此宜然且如党項又居漢界曾無  
征稅既感恩德未嘗動搖然雖懷此撫循  
亦聞闕彼財貨亡命而去獲利而歸但恐  
彼蕃不知大為党項所賣其中亦聞誘致  
事甚分明不能縷陳計已深悉今請去而  
勿誘來而勿容不失兩境之歡不傷二國  
之好在誠為小事於彼即是遠謀幸履  
坦途勿遵邪徑今聖上德柔四海威及萬

方雖外國蠻夷尚皆率伏况中華臣妾敢  
有不恭豈假彼蕃欲相借助誠愧厚意終  
訝過言承去年出師討逐迴約其間勝負  
此亦備知不勞來書遠相示及所蒙寄贈  
並已檢到似為邊須守常規馬及胡瓶依  
命已授其迴紇生口緣比無此例未奉進  
止不敢便留今却分付來人至彼望垂檢  
領有少荅信具如別數幸恕寡薄也初秋  
尚熱惟所履珍和謹因譯語官馬屈林恭  
迴不具似白

與吉甫詔

勅吉甫韓用政至省所奏陳謝具悉卿忠  
貞立身文武為德志惟經國謀不忘君才  
可以雄鎮方隅故委之外閫智可以密參  
帷幄故任以中樞而能一其衷心再有冲  
讓雖勞謙彌切每陳丹府之誠而憂寄方

深難輟紫垣之務勉諭已停方隅稍泰克清  
載書於牙章今征討已停方隅稍泰克清  
之日雖則不逞難奪之心亦宜且抑重此  
宣諭當體朕懷是推至公煩有陳謝

與吐蕃宰相尚綺心兒等書

勅吐蕃宰相尚綺心兒等論思諾悉至省  
表并進奉具悉卿等才器特茂識略甚明  
仗義立身資忠事主上佐贊章下康黎元  
以尋盟納款為謀繼好息人為請是卿上  
策吐朕中心每覽表章輒用嘉歎朕與彼  
蕃國代為舅甥日結恩信自論盟會頗歷  
歲時常欲速成以為求好雖誠明之內波  
此無疑而言約之間往復未盡今故略收  
來意重示所懷想卿通明當所鑒悉河隴  
之地國家舊封論州郡則其數頗多計年  
歲則沒來甚近既通和好悉合歸還今者

捨而不言豈是無心愛惜但務早成盟約  
所以唯言三州則後於彼者甚多歸於此  
者至此猶合推於禮議豈假形於言詞來  
表云此三州非創侵襲不可割屬大唐來  
且此本不屬蕃豈非侵襲所得今是耶歸  
舊管何引割屬焉詞去年與論勃藏來即  
云覆取進旨贊普便請為定今兩般使至  
又云比之小務未合首而論之前後既有  
異同信使徒煩來去雖欲速為盟會其如  
無所適從靜言二三固不在此若論和好  
即今各無侵軼已同一家若議修盟即須  
重定封疆先環三郡若二郡未復兩界未  
分即是未定封疆憑何以為要約彼若吝  
惜小事輕易遠圖未能修盟且務通好至  
於信使一往一來但令踈數得中足表情  
意不絕彼有要事即令使來此有要事亦

令使性若封境之上小事意但今邊頭  
節度兩處計會商量則勞費之間彼此省  
使前般蕃吏論悉吉贊至緣盟約事大須  
審商量未及發遣後使雖是兩般所論只  
緣一事故令相待今遣同歸在於日時亦  
未淹父所送鄭叔矩及路泌神枢及男女  
等並已到此良用惻然厚贈遠歸深嘉來  
意其劉成師元非劉闢子姪本是成都郡  
人已令送還本貫其餘事日並在贊普書  
中卿等宜審參量以副朕意使迴之日可  
備奏聞今遣兼御史中丞李錡及中使與  
迴使同往各有少信物具如別數至宜領  
之秋涼卿等各得平安好遣書指不多及  
荅王承宗謝洗雪及復官爵表  
帝者之道蕩然無私唯推赤心以牧黔首  
故一夫不獲若納之於隍一物歸誠則容

之如地况卿家聯懿威寵自先朝祖立茂  
功賞延後嗣因人註誤不染疵瑕滌以恩  
波煦之寵澤撫舊封而察廉六郡進新律  
而統制三軍蕩穢加恩何以過此及觀來  
表乃見深誠言必由衷事皆知感承家襲  
慶誓繼力於前脩補過酌恩願指期於後  
効求言爾志甚叶朕懷勉思始終用副眷  
矚所謝知

與鄭綱詔

勅鄭綱省所奏邕管黃少卿及子弟等事  
宜具悉卿望重中朝寄深南服誓敷惠政  
佇化遠人言念忠勤不忘監寤山洞夷落  
易擾難安比來撫之未及其道覽卿所奏  
頗合其宜歲時之間當革前弊勉於招諭  
以副朕心

答高郢請致仕第二表

卿有忠貞之節立於險中有清重之名鎮  
于朝右而能始終有道進退有常援禮引  
年遺榮致政人鮮知止卿獨能行不唯振  
起古風亦足激揚時俗於卿則確然難奪  
在朕則情豈易忘誠鑒乃懷示允來表

與劉總詔

勅劉總卿業繼將門才兼武略累臨軍郡  
悉著良能襲以弓裘宜加旌鉞仍舉奪情  
之典以昭能賞之恩今授卿起復雲麾將  
軍檢校工部尚書充范陽節度等使并賜  
旌節官誥往想宜知悉

荅裴垵讓中書侍郎平章事表

卿自登台輔每竭忠貞一身秉彛百度惟  
序致君盡力以積股肱之勤憂國勞心微  
生賡理之疾暫從休告遽獻表章所陳雖  
是卿心所請殊非朕意宜加調攝速就平

和以副虛懷無為固讓

荅劉總謝檢校工部尚書范陽節

度使表

卿幼承義訓長有令聞能遵忠孝之風不  
墜弓裘之業朕所以命加異等寵冠常倫  
特授雙旌超登八座豈唯延賞亦在任能  
將懋前修勉申後効載省章疏深鑒誠懷  
所謝知

與茂昭詔

勅茂昭王日興至省表陳讓檢校太尉者  
具悉卿文武大僚勲戚重望累展朝宗之  
禮足表恭敬之心况多戰伐立功彌彰勤  
盡言念及此每用嘉焉宜加寵榮已降新  
命何至謙讓仍辭舊官眷倚之懷並具前  
詔想宜知悉  
荅任迪簡讓易定節度使表

卿修文立身經武致用每誓心於忠勇常  
濟事以智謀自副戎車已屬特望及分旌  
鉞果恆軍情况武義之師輸忠仗順所期  
慰撫以就輯寧可至揮謙有茲陳讓所進  
官誥今却賜御宜體朕懷即斷來表

荅裴均讓宰相第三表

卿疾病已來表疏相繼雖辭乞之誠頗切  
而注望之意方深所以來章久而未報然  
念卿勤懇之請至于再三若心不甚安即  
疾難速愈是用輟樞劇之務加崇重之官  
稍遂優閑佇期痊復勉從爾志深抑予懷  
荅裴均謝銀青光祿大夫兵部尚

書表

卿自居鈞軸日獻謀猷戴君常竭其股肱  
憂國每形於顏色及嬰疾病益不遑安未  
踰四旬以至三讓揮謙秉易退之道堅懇

陳難奪之詞遂抑朕心俯從卿請而亡命  
印綬五兵尚書官秩甚崇事務稍簡就以  
優養冀乎和平載省表章深見誠意

與劉總詔

勅劉總康志安至省所謝陳且悉卿之先  
父為朕元臣大節殊功歿而不朽宜加恩  
禮俾朕治哀榮故命宰臣為之撰錄卿義深  
報國孝重承家既感顯親之恩願竭戴君  
之節遠有奏謝益用嘉之想宜知悉

與房式詔

勅房式卿以良才尹茲東洛公忠無怠聲  
績有聞嘉歎之深寧忘寤寐宣城重寄深  
在得人籍卿政能往就綬撫今授卿宣州  
刺史兼御史中丞充宣歙等州都團練觀  
察處置等使并賜誥身往卿宜便起赴本  
道勉脩所任以稱朕懷想當知悉

與盧恒卿詔

勅盧恒卿累登朝序皆著公方自領藩條  
益彰理行恪恭而奉上勤儉以牧人不加  
寵榮何勸來者朕以擢管漕運軍國所資  
其務甚殷所寄尤重以卿有忠勞之前効  
幹濟之長才當簡朕心宜授此職今除卿  
尚書刑部侍郎充諸道鹽鐵轉運使并賜  
誥身往宜即赴闕庭想當知悉

與新羅王金重熙等書

勅新羅王金重熙金獻章及僧冲虛等至  
省表兼進獻及進功德并陳謝者且悉卿  
一方貴族累葉雄才仗忠孝以立身資信  
義而為國代承爵命日慕華風師旅叶和  
邊疆寧泰况又時脩職貢歲奉表章進獻  
精珍忠勤並至功德成就恭敬彌彰載覽  
謝陳益用嘉歎滄波萬里雖隔於海東丹

謙一心每馳於闕下以茲嘉尚常屬寢興  
勉弘始終用副朕意今遺金獻章等歸國  
并有少信物具如別錄卿母及妃并副王  
宰相已下各有賜物至宜領之冬寒卿比  
平安好卿母比得和宜官吏僧道將士百  
生等各加存問遣書指不多及

答文武百寮嚴綬等賀御製新譯  
大乘本生心地觀經序表

朕勤求道本廣挹教源以真如不二之宗  
助清淨得一之化况斯經典時為大乘名  
理精微翻譯成就雖契心則離於文字而  
得意亦假於筌蹄庶使發揮因為述序卿  
等精通外學懇竭中誠引經贊揚奉表稱  
賀再三省覽嘉歎久之

答孟簡蕭俛等賀御製新羅大乘  
本生心地觀經序狀

大僊經典最上法乘來自西方闕于中禁  
將期利益必在闡揚遂命僧徒譯其句偈  
兼詔卿等潤以文言昨因披尋深得真諦  
悟本生不滅之義澄心地無相之宗方勤  
護持聊著序引求言述作猶愧聖明卿等  
賀陳良深嘉尚

答元應授岳鄂觀察使謝上表

夏口重鎮屬在時賢非明肅不能理其軍  
非簡儉不能阜其俗以卿有仁厚之賢譽  
直之風累踐班行皆著名節遂輟中憲注  
臨外藩所知已下車深慰人望佇茲報政用  
副朕懷所謝知

答李鄴授淮南節度使謝上表

卿抱兼人之才秉徇公之節每登要職悉  
著能名若刃發硯投而不帶如玉在佩動  
必有聲朕以距淮而產人物繁會非廉羽



何以貞師察俗非簡惠何以通商綏農前  
勞既彰後効何遠載省來表知已下車勉  
副虛懷佇觀新政所謝知

畫大羅天尊贊 并序

歲正月十九日順宗仙駕上昇之日也  
皇帝嗣位六載每及茲晨齋居孝思明發  
不寐以爲玄祖之教本乎道先帝之神在  
乎天故畫大羅天尊像者各以最上勝因  
而成本功德也然則知之者不如念之者  
念之者不如仰之者是用諦念真力虔仰  
尊儀命設色之工圖其儀形命掌文之臣  
贊其功德達孝誠于天上致孝理於域中  
斯蓋弘願發於我皇景福薦於先后稽首  
奉詔跪稱贊云  
維大羅兮天上天  
高真之鑒照下界  
維天尊兮仙上仙  
孝敬之心達上玄

每一念兮以一仰

感罔極兮福無壘

白氏長慶集卷之五十七

荅元義等請上尊號表

朕自君臨運逢休泰時歲豐稔兇醜於夷  
此皆宗社降靈忠賢宣力顧惟寡德敢受  
鴻名卿中發懇誠上尊美號惟屬人望難  
貪天功宜悉所懷勿固為請

荅薛萃賀生擒李錡表

朕目嗣耿光每多惕厲念必先於除害志  
無忘於安人李錡大負國恩自貽天罰師  
徒未動於疆場父子俱肆於市朝信上天  
之禍淫與率土而同慶省視來表深鑒乃  
誠所賀知

與薛萃詔

勅薛萃楊君靖至省所陳謝具悉卿勤王  
之節徇公滅私事主之誠移忠資孝苟非  
褒贈何以顯揚且清白之風既自家而刑

國則寵旌之畢宜因葉以流根式遵追遠之經用來教忠之訓是為禮典煩致謝章

與嚴礪詔

勅嚴礪薛光朝至所陳謝具悉卿徇公竭誠臣節克著揚名濟美子道有光教忠既本於義方追遠宜崇於禮命俾憂褒贈爰慰孝思秩貴冬官以表過庭之訓封榮石窵用旌徙宅之賢雖示新恩允符舊典遠煩陳謝深見懇誠

與餘慶詔

勅餘慶省所謝陳具悉卿累居衮職時謂盡忠自尹洛師日聞報政臣節既彰於宣力子道莫大於揚名俾光孝思爰舉禮命榮褒冢宰寵賁幽靈式是彝章豈為私渥有煩陳謝深見誠懷  
荅黃堂請上尊號表

朕以薄德嗣守不圖不致荒寧以弘理道幸屬歲時豐稔兇寇梟夷風雨不愆禮圓立而報本雷霆未震豐太社而服刑斯皆十聖降靈幽贊寡昧百辟叶德馴致和平求惟弘名實懼虛美卿上稽祖訓下酌羣情陳獻表章請加徽號暨于王公卿士降及耆艾緇黃咸一乃心各三其請朕嘗以宰元化者曲成於物法天道者從欲於人雖血隱泣辜未臻三五之化而樂推欣戴難違億兆之心德作甬馬讓不獲已勉從所請深愧于懷

與從史詔

勅從史楊幹至省所奏今月七日到潞城縣降雪尺餘兼奏耆老等詣闕請欲立碑并手疏通和劉濟本末事宜者具悉卿分朕之憂求人瘼時降大雪豐年表祥豈

唯澤及土田將使物無疵厲沐慶斯在慰  
望良深耆老等遠詣闕庭請立碑紀尋已  
允許當體誠懷以旌政能無至陳讓知卿  
協比其鄰翼冀為意陳此手疏發於血誠  
忠懇彌彰嘉歎不已求言臣節何日忘之  
想宜知悉

與韓臯詔

勅韓臯省所陳賀具悉卿朕自守睿圖每  
思寬政慮先禁暴念在措刑李錡負國反  
常阻真干紀未勞師旅已就誅夷卿宣力  
紂忠秉心惡遠陳嫉慶賀深見懇誠想宜  
知悉

與元衡詔

勅元衡卿立身許國竭力臣君人之具瞻  
予所嘉賴凋殘是卹遠籍宣風之能利澤  
所資暫輟為霖之用慈和既敷於兵後惠

信當洽於言前永念忠勤豈忘寤想計卿  
行邁已到西川涉遠冒寒固甚勞頓勉加  
綏撫以副朕懷想宜知悉

荅李杆等謝許上尊號表

朕自臨萬邦僅經三載位雖記於人上化  
未洽於域中永念眇身敢當大號御等義  
深宗室忠盡君親一其情誠三有陳獻迫  
以人望厭于天心遂抑所懷勉從其請面  
辭而事非獲已撫德而何以堪之再省謝  
章彌增惕厲

荅馮仇請上尊號表

朕統承大寶持屬小康伐謀而吳蜀克清  
示信而華夷有截斯皆宗社垂祐天地降  
和非予冲人所不能馴致卿上稽十聖之訓  
下酌萬人之心以為不讓強名未傷於體  
道屈已徇物何爽於至公遂抑素懷俯從

衆望雖鴻名未稱每勞踏地之心而人欲  
下從即爽法天之德勉依勤請良用愧懷

荅長安萬年兩縣百姓耆壽等謝  
許上尊號表

朕每念雍熙慙未及於億兆求言徽號讓  
已至于再三而文武具寮緇黃庶老懇陳  
誠欵明引訓謨開予以天地無私之心起  
予以聖宗不易之訓以大道者無求於物  
物尊而不辭至公者非欲其名上立而不  
讓迫於固然之理不得已而許之卿等誠  
至感通義深欣戴再煩陳謝益用愧懷

荅元素謝上表

卿用兼文武識合變通輟綱領於中朝授  
麾幢於外闈吏能足以惠物將略足以董  
戎人望所歸予心是賴知卿已到本鎮當  
慰疲人深藉撫綏之方以安凋弊之俗日

期報政歲望成功勉勤所置用副朕意

荅韓皐請上尊號表

銷沴致和幸逢昌運加名建號豈稱眇身  
而文武具寮黎獻庶老引古今之明訓陳  
億兆之懇誠謂德有所歸謳詞不可以苟  
讓講功有所獻微號不可歸以固辭遂押中  
懷俯從衆望自中歸美于上勉依所請彌愧  
名卿發誠自中歸美于上勉依所請彌愧  
于心

荅馮伉謝許上尊號表

朕以眇身嗣于丕業心雖勞於惕厲化未  
及於雍熙求惟強名實懼虛美上自一二  
元老下及億兆梨人大洽詢謀明徵典訓  
增予以巍上之號感予以顯上之誠既迫  
所懷俯從其請卿義深奉上志切戴君再  
省謙陳彌增愧惕

勅顏証戴歲至省所賀及謝王國清充五  
嶺監軍具悉卿職在撫綏任兼備禦公勤  
夙著問望日彰言念于懷豈忘寢寐乾象  
昭感壽星垂文與時相膺有道則見顯  
非德何以當之卿戎旅事殷宜有監領蓋  
為宜例煩至謝陳想宜知悉

勅從史省所陳謝追贈立母并舉薦章悅  
貝悉卿推誠奉國積慶承家既彰畫節之  
忠宜洽流根之澤雖祿難逮養已闕靈於  
九原而孝在顯親宜旌賢於三徒俾崇  
贈以極哀榮章悅既有才誠朕所請委卿  
即遣發令赴闕庭卿之忠誠朕所請委卿  
待陳露然後知之載覽來章益嘉懇切懇  
宜知悉

與季安詔

勅季安省所陳請纂具悉卿朕承鴻業司  
牧蒼生僅致小康未臻大化實慙薄德未  
稱崇名而華夷兆人內外羣后屢有勤請  
難於固違卿遠獻表章明徵典訓納忠於  
上歸美於君勉從懇誠良用愧惕儲貳者  
尚繼宗祖下貞邦心豈暫忘事或未暇  
尚阻來請當體所懷

與高固詔

勅高固卿奉國戴君必竭忠節統戎護塞  
克著勳勞自領藩垣委之心膺忠懿之志  
久而益彰欽歎在懷何嘗暫忘以卿一從  
軍旅多在邊陲歲月積深勤勞滋久所宜  
出入中外周旋寵光今授卿檢校尚書右  
僕射御史大夫兼右羽林軍統軍以端揆  
之崇兼環衛之帥遂卿望闕之戀表朕念

功之心仍賜卿官誥卿宜即赴闕庭想宜知悉

祭故醜婕妤五氏文

維元和二年歲次丁亥十二月甲寅朔十  
九日壬申皇帝遣其官某以庶羞之奠致  
祭于故婕妤之靈自惟尔和順積中柔明  
奉上動靜合肅邕之體進退得婉變之義  
選自良家備茲內職修令顏以匪德蘭幽  
貞香守明節而保身玉潔無玷方資懿範  
以茂嘉猷波美有聞于何不淑遽茲淪逝  
深用側傷既卜日辰爰申奠酌以尔有班  
氏之明智故贈以婕妤以尔有密妃之淑  
容故葬於洛浦魂兮不昧歆此誠懷尚饗  
維元和二年歲次丁亥十二月甲寅朔二  
十六日巳帥嗣皇帝臣楷言大聖祖高上

大道金闕玄元天皇大帝伏以今年司天  
臺奏正月二日祀上帝于南郊佳氣充塞

四方温潤祥風微起廬州申連理李樹一  
株彰義軍節度使進白鳥一鄭滑觀察使

奏瑞麥五科司天臺奏六月五日日夜鎮星  
見河陽節度使進白雀一荆南節度使申

連理樹一本山南西道觀察使申嘉瓜一  
枚司天臺奏六月十三日夜老人星見河

南府申芝草兩莖司天臺奏冬至日佳氣  
充塞瑞雪祁寒者臣嗣承丕圖肅恭寅畏

祖宗垂慶嘉瑞荐臻虔奉禎祥伏深祗惕  
今時惟玄律節及季冬仰薦明誠敬率恒

典謹遣攝太尉司徒平章事杜佑薦獻以  
聞謹詞

勅茂昭盧校至省所奏請正尊號及建儲  
與茂昭詔

肅賀誅李錡并進馬者具悉御朕以寡德  
祇嗣丕圖雖致小康豈稱大號迫於人望  
遂抑于懷求惟強名實愧虛受儲貳者上  
繼宗祖下貞邦家心非慙忘事或未暇尚  
阻來請宜體所懷李錡苞藏亂心奮發兇  
德不勞征討自就誅夷想卿忠誠倍以爲  
慰所進馬馴良可尚服御且閑取其戀主  
之心足表爲臣之節再三省覽嘉歎以之  
想當知悉

荅百寮謝許追遊集宴表

在昔哲王居于人上推其憂樂與衆共之  
須屬三兇荐興二載連獲凡百有位咸一  
其心誠念嘉謀共致昭泰今四表無事三  
農有年思與羣情同其具慶是宜削竒察  
之前弊煦寬裕之新恩仁及下而啓迪歡  
心澤先春而導迎和氣昨逢多故主憂且  
使臣勞今致小康上安則宜下樂庶欲解  
人之愠粗伸推已之恩豈曰殊私煩於陳  
謝

荅李扞謝許遊宴表

朕自御萬方僅經三載運逢休泰俗漸和  
平當朝野無虞之時見君臣相遇之樂是  
故去滋彰之化弘優貸之恩近自宗親下  
及士燕賜其宴術遂以優遊蓋以已之所  
安思與人共樂雖夕惕而若厲每戒志  
於無荒賜秦游之發生宜助持而有慶卿  
等榮崇宗寺恩重本枝省所謝陳彌嘉誠  
懇

荅劉濟詔

勅劉濟省所奏茂昭送卿管內百姓殷進  
能等七人奏前後事由具悉卿爲國大臣  
與石司體寬而得衆忠以忘身每徇公而



滅私能虛懷以容物與茂昭彊場之事卜  
有違言曲直是非朕已明辯卿外崇藩翰  
內贊謨猷念屈己以為心或難容忍思戴  
君而是力宜務叶和勉卿寬裕之懷助朕  
含弘之化想宜知悉

與柳晟詔

勅柳晟卜英琦至省所奏慶雲并進圖者  
具悉昌運將開祥符先見發自和氣聚為  
卿雲捧日而五色柱宣垂天而萬物咸覩  
斯為嘉瑞宜契升平朕方致小康未臻大  
化受茲玄貺既抵惕良深卿以誠事君推美  
奉上獻輪困於圖畫陳懇款於表章披閱  
再三彌增嘉歎

荅薛萃謝授浙東觀察使表

卿以踐吏途累聞能政及居藩鎮尤見忠  
勤訓導而羣黎向方廉察而列郡承式實

嘉乃績每簡予心宜卷唯劇之藩以廣循  
良之化勉於為理副朕所懷所謝知

上元日歎道文

道本無象功成強名生氣之先為萬物之  
母吹煦寒暑陰陽節而歲功成輔相軋坤  
上下交而生物遂故能阜藩動植啓迪雍  
熙邦家保安夷復咸若今以時殷獻歲節  
及上元女道士某等奉為皇帝焚香行道  
敬修功德伏願聲聞紫極丕降玄休大庇  
羣生求康四端流光垂慶億萬斯年

婁大羅天尊贊文

道用無窮統之者大聖神化不測感之者  
至誠非圖象無以示儀形非供養無以展  
嚴敬故一念一禮而福隨之盡大羅天尊  
者奉為順宗至德大聖大安孝皇帝忌辰  
之所造也皇帝在玄元之風嗣清淨之理

志在善繼心惟孝思申命工人彰施繪事  
粹容儼若真相炳焉憑志誠而上通垂景  
福而下濟詞臣奉詔恭為贊云

真通之象

孝感之心

率士瞻仰

在天照臨

蓄為精誠

發為圖畫

朕以寡德嗣承睿圖俯從眾誠勉受鴻稱  
慶大之者豈在予一人推而廣之宜及爾  
萬姓爰因受冊之禮遂施作解之恩俾與  
羣生同斯大慶卿盡忠訓旅推美奉君省  
茲賀陳深見誠至

祭咸安公主文

維元和三年歲次戊子三月癸未某日皇  
帝遣其官某以庶羞之奠致祭于故咸安  
大長公主觀濬毘伽可敦之靈曰惟姑柔

明立性溫惠保身靜脩德容動中規度組  
紉之訓既習於公宮湯沐之封遂開於國  
邑及禮從出降義重和親承渥澤於三朝  
播芳猷於九姓遠修好信既申協比之姻  
殊俗保和實賴肅雍之德方憑福履以茂  
輝榮宜降永年遽歸長夜悲深計告寵亟  
哀榮爰命使臣往申奠禮故鄉不返烏孫  
之曲空傳歸路雖遙青塚之魂可復遠陳  
薄酌庶鑒悲懷嗚呼尚饗

與仕明詔

卿久鎮邊防初膺闕寄或旌勤効俾洽恩  
榮褒德念功故進封以示寵忠誠亮節宜  
因實而錫名既表新恩亦惟舊典今改封  
卿丹陽郡王仍改名忠亮勉勤乃重以副  
所懷想宜知悉

與崇文詔

勅崇文段良玘至省所謝亡妻邑號具悉  
卽有濟時之勲寵居衮職士政承積善之  
慶列在王官俾洽恩光故加褒贈念梧桐  
之早落不及夫榮追崇茲之遺芳宜從子  
貴式崇寵命以賁幽靈省茲謝章良用嘉  
歎

祭張敬則文

維元和三年歲次戊子七月辛巳朔二十  
七日丁未皇帝遣某官某以清酌之奠致  
祭于故鳳翔節度使贈某官張敬則之靈  
惟尔挺武毅之質負將帥之才名以忠聞  
位由勤致自膺闕職益茂勲猷惠葺疲氓  
威吞黠虜一方膏雨千里長城繼博望之  
功勞能概代業傳千房之籌略不墜家聲  
方誓山河遽捐館舍逝川無捨遠日有持  
徽績空存書旗常而播美音容不見是驚

鼓而增思來念忠勤彌深軫悼往陳遣奠  
庶鑒悲懷嗚呼尚饗

與希朝詔

勅希朝劉忠謹至省所奏沙陀突厥共一  
千八百七十人并駝馬器械歸投事宜具  
悉卿以將帥之才鎮華夷之要憂勞為國  
忠勇忘家聲動寇戎塵清封略突厥等響  
風輸欵率屬來賓雖慕我懷柔遠無不至  
亦因卿威惠導之使來念其歸投宜有優  
賜今賜衣服及匹段等自首領已下卿宜  
等第給付其部落家口等遠經跋涉宜稍  
安存以勸歸心用副注意

與元衡詔

勅元衡省所奏富管南界外生蠻東凌六  
部落大鬼生直春等以所管子第百姓等  
二千餘戶請內屬黎州并奏南路蕃界消

息者貝悉卿以文武之才兼將相之任仁  
和而下布黎庶獲安威惠旁流蠻夷率附勳  
勤斯著倚賴彌深欽矚之懷豈忘寤寐生  
蠻部落首賴春等父阻聲教遠此歸投欲屬  
黎州請通縣道勉於撫慰以勸將來所奏  
蕃界事宜具已知委戎虜雖聞喪敗封疆  
不可無虞亦宜隄防用副憂矚

與陸庶詔

勅陸庶省所奏當管新開福建陸路四百  
餘里者貝悉卿望重周行寄分越微嘉聞  
素著茂政累彰况勤可使人智能創物廢  
驚波之路開砥石之途捨舊謀新以夷易  
險財力不費商旅斯通惠既及人動非擾  
下績用可尚欽歎良深

荅盧虔謝賜男從史德政碑文并  
移賈夔京兆表

卿男從史為國重臣自領大藩厥有成績  
公忠茂著政理殊尤勒石所以表勳賜文  
所以褒德惟功是念有善必旌是國舊章  
非予私渥昨又請移鄉貫願隸京邑家聲  
益振臣節逾彰雖清望標門崇冠山東之  
族而丹心戀闕耻為關外之人載省懇誠  
彌深嘉歎所謝知

與宗儒詔

勅宗儒卿邦家楨幹班列羽儀嘗作股肱  
弼諧無怠及司管籥鎮靜有方欽重之懷  
寢興不捨春官之長非賢不居既簡朕心  
亦符人望今授卿禮部尚書并賜官誥往  
除餘慶東都留守卿宜便與交割即赴上  
都想宜知悉

與希朝詔

勅希朝省所奏党項歸投事具悉卿邊隅

寄重闈外事繁威行而軍聲外揚信及而  
戎心內附動皆展効進必盡忠勞績彌彰  
倚望猶切克項拓援忠敬等頃雖為盜今  
已經恩懼而歸投情可容恕許其後効以  
補前非卿宜安存無使疑懼其磨梅部落  
等尚能繼至亦許自新宜加招諭令知朕  
意

與韓弘詔

勅韓弘任光輔至省所除請且悉卿文武  
全略升家重臣自居大藩既有成績輯寧  
百姓嚴整三軍使予無憂惟尔之力省茲  
章奏懇願朝宗誠嘉深哀難遂勤請朕以  
梁宋之地水陸要衝運路咽喉王室藩屏  
人疲易散非卿之惠不能安師衆難和非  
卿之威不能戢今衆方悅附人又知歸鎮  
撫之間事難暫輟雖戀深雙闕積丁年而

頗勞然倚為長城捨一日而不可勉卿忠  
力布朕腹心宜體所衷即斷來表

卿道贊謨猷功成輔弼師損除工部郎中表

有令名豈惟賞延兼以能選班行以次頗  
積公勤郎署稍遷未為渥澤省茲章奏深

見懇誠所謝知  
與嚴礪詔

勅嚴礪省所奏進蒼角鷹六聯具悉卿任  
重列藩寄兼外闈事皆奉上動必竭誠時  
屬勁秋致茲鷲鳥調習成性進獻及時取  
其効用之能足表盡忠之節

與韓弘詔

勅韓弘卿苦心奉國極慮撫人惠彼一方  
于茲十載歷展勤王之効累陳戀闕之誠  
才以任彰節因事著不加殊寵何表成功

夫外擁旌旄爪牙之重任內參台衮股肱  
之寄深以尔一心授茲二柄未言倚賴當  
副誠懷今除卿同中書門下平章事依前  
宣武軍節度等使餘並如故并賜官誥往  
想宜知悉

荅王錡陳讓淮南節度使表

卿自領大藩累彰殊効惠安百姓表正一  
方雖戀闕誠深然殿邦寄切既執圭而肆  
觀宜返旆而勞旋况淮海要衝旌旄重任  
求言共理已有成功方注意於撫綏何瀝  
誠而陳讓難允來請宜體所懷

荅韓弘讓同平章事表

致理之道審官為先以卿有文武之才故  
授卿以將相之任所冀外為藩翰張爪牙  
之威內贊謨猷宣股肱之力僉諧猶屬眾  
望攸歸方注意於安危何執謙而陳讓所

進官誥今却賜卿無或再辭即斷來表

畫大羅天尊贊文

唐元和巳丑歲四月十四日畫大羅天尊  
一軀成奉為睿聖文武皇帝降誕之辰所

造惟歲之春惟月之望誕千年一聖之始  
降百祥萬壽之初電繞樞而夜明雷出震

而時泰皇帝孝敬寅畏憂勤勞謙以諱無  
疆之休雖肇自於元聖莫大之慶思廣被

於羣生爰命國工俾陳繪事貞相儼若玄  
風穆如疑從大羅感聖而降至誠上通於

一德景福旁濟於萬靈休命耿光自茲無  
極詞臣承詔恭為讚曰

大羅天兮高不測 浩無倪兮杳無極  
中有聖兮無上尊 惟玄德兮可升聞

圖相好兮仰高真 誠上感兮福下臻  
俾百祥兮與萬壽 配聖日兮布長新

將相兼 委實難其人非其德不可謬承當  
其才不在懇讓朕非虛授誠勿固辭宜斷  
來章即奉成命已具前詔當體朕懷

元者諸天之元始天尊讚并序  
強以為名至哉無上尊得以是為號正月

二月十有三日德宗神武孝文皇帝上九仙  
之月遇八音之日也皇帝教弘玄訓業奉

真宗承文祖之貽謀申孝孫之誠敬以謂  
元始天尊者真儀不遠隨相而生神用無

方應念而至故命設繪素展儀形五彩章  
施七寶嚴飾所以來當宁之瞻仰感在天

之聖神通玄應於希夷集靈祐於彤嚮詞  
臣承命跪唱讚云

玄聖何在天上天 欲往從之官無緣

命工設色五彩宣 忽如員相現於前  
聖應聖兮玄又玄 薦百福兮垂萬年

北齊驃騎大將軍高敖曹讚 并序奉勅撰

高昂字敖曹渤海蓆人也姿體甚異膽力  
過人累經戰伐皆著功績官至驃騎大將

軍儀同三司冀州刺史其勇敢忠壯冠于  
一時上稱焉各將後竟以攻戰死於王事

年四十八贈太尉諡曰忠武讚云 生揚勲烈  
教曹之容好配子羽 忠不忠主

死諡忠武 誠哉選士 無以貌取 忠不忠主

勅驃國王雍羌卿性弘毅勇代濟貞良訓  
撫師徒鎮寧印部欽承王化思奉朝章得

睦隣之善謀秉書大之明義又令愛子遠

副闕庭萬里納忠一心稟命誠信彌著嘉  
想益深今授卿檢校太常卿并卿男舒難  
陀那及元佐摩訶思那等二人亦各授官  
誥往至宜領之此所以表卿勲勤申朕恩  
禮敬受新命未為外臣勉弘今圖以副遐  
矚今有少信物具如別錄想宜知悉也冬  
寒卿比平安官吏百姓等並存問之遣書  
指不多及

與季安詔

勅季安劉清潭至省所奏貝州宗城縣百  
姓劉弘為母病割股充祭事宜且悉卿任  
重弼諧寄深鎮守勤撫綏之政贊燮理之  
功至使郡人忘身展孝雖因心有感誠化  
我之時風而率下可知足表卿之理行省  
茲陳奏欽歎良深  
荅杜兼謝上河南少尹知府事表

三川封畿實重其任貳職綱紀亦難其人  
卿素懷器能累著聲績亞理以明慎選專  
領以展長才知已下車當親綏撫佇聞報  
政用副憂勤所謝知

代忠亮荅吐蕃東道節度使論結  
都離等書 奉勅撰

大唐四鎮北庭行軍涇原等州節度使檢  
校工部尚書兼御史大夫丹陽郡王朱忠  
亮致書大藩東道節度使論公都監軍使  
諭公麾下專使辱問悚慰良深國家興吐  
蕃代為舅甥日修鄰好雖曰兩國有同一  
家至於封疆猶貴和叶忽枉來問相垂素  
誠雖有過言敢以衷告來書云頻見燒草  
何使如然者至如持警邊防歲焚宿草蓋  
是每年常事何忽今日形言况牛馬因風  
猶出疆以靜及草木延火縱近境而何傷



遽懷異端未敢聞命又云去年忽生異元  
近界築城者且國雖通好軍不徹警近邊  
脩緝波此尋常况城是漢城地非蕃地豈  
乖通理何致深疑相言思之佳生異見頃  
曾報牒彼已息詞今又再言寧無慙德又  
云皇天無親有德即輔者皇帝君臨萬方  
迨及四載道光日月德動乾坤南北東西  
化無不及若非皇天輔德明神福仁北虜  
何為歸用南蠻何為慕化風雨何因大順  
歲時何因夔豐則神助天親可明驗矣彼  
若無故生疑無端結怨但思小利不務遠  
圖則咎孽之生恐不在此求言取笑却請  
三思又云漢之臣下頗有叛逆者近以吳  
蜀小寇暫肆猖狂來及討除尋以殄滅皇  
威不露妖氛自清豈假彼蕃遠思傍助忠  
亮謬蒙恩渥叨在藩垣叅守邊隅幸鄰封

壤縱未能為漢名將亦不可謂秦無人輒  
獻直言以祛深感願推誠信同保始終各  
勉令圖以求多福歲暮嚴寒惟所履安勝  
遠垂惠賜愧佩殊深今因押衙廻亦有少  
荅信具如別紙恕輕也 不具忠亮敬白  
與南詔清平官書

勅南詔清平官段諾突李附覽爨何棟尹  
輔首段谷普季异傍鄭蠻利等段史倚至  
知異牟尋喪逝朕以義重君臣青深軫悼  
卿等哀慕所切當何可任又知閣勸繼業  
撫人輸誠奉教烝黎咸又封部獲安皆是  
卿等同竭忠謀佐成休績永言及此嘉慰  
良深勉終令圖以副遐矚今遣諫議大夫  
兼御史中丞段平仲持節冊命勸想當  
悉之卿等各得平安好遣書指不多及  
也春寒卿等各得平安好遣書指不多及

荅王鏐賀賑恤江淮德音表

水旱流行，江佳艱食。朕明申詔，旨親遣使。臣蠲其逋租，賑以公廩。爰興利物之利用，夫憂人之憂。庶俾疲氓均霑惠澤，卿克勤乃職，共理為心。省茲賀陳，深見誠意。與茂昭詔。

勅茂昭：盧校至省，所陳奏且悉。卿翼戴君親，出入將相，久專戎閫，累覲王庭。忠勞必竭，其智謀誠懇。每形於章表，近者志在憂國，慮及安邊。請率精兵親防黠虜，朕以卿掌管軍鎮，寄重事繁，實藉撫綏。用安封部，雖示允所請，而深嘉入誠。今又密奏恒州，具申事體，曲盡忠勤之節。備知丹赤之心，言念再三，發於嗟歎，眷重之至。併在予懷，想宜知悉。

與潘孟陽詔

勅孟陽：卿夙懷才略，早振聲猷。歷踐班行，累彰績効。自守關輔，克舉藩條。惠及丞黎，威行軍鎮。求言所任，未展其能。朕以東川蜀門重鎮，弊承軍後，雄壓險中。思得忠勤之臣，撫此凋殘之俗。量才注意，無以易卿。今授卿劍南東川節度觀察等使，并賜官誥。往想宜知悉。

荅宰相杜佑等賀德音表

古先聖王託于上，與百姓同。其欲與天下共其憂，唯推是心，可底于道。朕臨御萬國，迨茲五年。惕厲之懷，雖勤於夙夜。愆伏之候，猶害於歲時。思革弊以救災，在濟人而損己。是用欽刑，緩死已責。卹貧罷郡國之貢，珍省宮廡之煩。費延春令，而布仁行惠。先南風而解慍，阜財庶憑歡心。以召和氣，卿等或匪躬獻替，或悉力弼諧。啓沃之

間已申霖雨之用燮理之際佇見陰陽之  
和各宜勉之以輔予理所賀知

荅宗正卿李詞等賀德音表

朕統承鴻緒子育蒼生累歲有秋今春不  
雨在陰陽之數雖有盈虛為父子之心敢  
忘惻隱俾除人弊以盪歲災卿等任重宗  
卿恩連屬籍省茲陳賀深見忠誠

荅將軍方元蕩等賀德音表

朕以時陽舛候春澤愆期思備旱之方無  
如貶省務動天之德莫若精誠是以修已  
卹人去煩節用冀荅天戒以致時和卿志  
竭邦家職脩軍衛省茲章表深用嘉之所  
賀知

與迴鶻可汗書

皇帝敬問迴鶻可汗夏熱想比佳適可汗  
有雄武之姿英果之略統制諸部君長一

方纂承前脩繼守舊好故得邑落蕃盛士  
馬精強連挫西戎未藩中夏况嚮風之義  
每勤於朝聘事大之敬常見於表章動皆  
由衷言必合禮朕所以深嘉忠款遐想風  
規至於寢興不忘歎矚勉弘令德用副誠  
懷達覽將軍等至省表其馬數共六千五  
百匹據所到印納馬都二萬匹都計馬價  
綸五十萬匹緣近歲已來或有水旱軍國  
之用不免闕供今歲內且方圓支二十五  
萬匹分付達覽將軍便令歸國仍遣中使  
送至界首雖都數未得盡足然來使且免  
稽留貴副所須當悉此意頃者所約馬數  
蓋欲事可久長何者付絹少則彼意不充  
納馬多則比力致歉馬數漸廣則欠價漸  
多以斯商量宜有定約彼此為便理甚昭  
然况與可汗禮在往來義存終始親鄰既

通於累代恩好益厚於往時所以萬里推誠期於言見信遠思明智固體朕心其東都太原置寺此今人構當事緣功德理合精叢又有彼國師僧不必更勞人檢校其見燃拓勿旃鄔達干等今並放歸所令帝德將軍安慶雲供養師僧請住外宅又令骨都祿將軍充檢校功德使其安立請隨般次放歸本國者並依來奏想宜口悉今賜少物具如別錄內外宰相及判官摩尼師等並各有賜物至宜准數分付內外宰相官吏師僧等並存問之遺書指不多及與韋丹詔

勅韋丹竇從直至省所陳賀并奏江饒等四州旱損其所欠供軍留州錢米等並已放免又奏權減俸及修造陂堰并勸諫種蒔粟麥等事宜且具悉朕頃緣時旱慮害農功雖推怨己之心敢望動天之德而未逾浹日膏澤霈然仰荷玄休俯增祗惕卿喜深稱慶忠切分憂既覽賀陳兼詳奏請至如蠲逋以卹人隱減俸以濟軍須抑末業而移風務茲菽麥防旱年而歉兩脩利陂塘皆合其宜並依所奏非卿公勤奉上仁側發中則共理之心不能至此再三興歎一二難申勉於始終以副朕意想宜知悉與從史詔

勅從史上澣至省所陳謝具悉卿亡父早踐班榮父著聲績求言褒贈自吁典常况卿孝友承家勤勞事國念茲忠節皆稟義方將慰匪莪之心宜流自葉之澤豈為殊渥頻至謝章

朕以春候發生歲功資始順陽和而布政

賑貧乏而勸農載念罪人因除弊事隨其所利施以為恩當庶之端實漸於此卿等義敦宗戚誠竭君親省茲賀陳用增嘉歎與孫壽詔

勅孫壽劉德惠至省所進隴右地圖兼進戰車陣圖車樣及奏陳收復河湟事宜者具悉卿尹茲右輔固乃西疆創制戎車繕修軍實思收故地誓立殊勳載覽陣圖兼詳所奏誠得開邊之略益加報國之心斯謂盡忠彌增注意眷言所至無忘于懷

勅李良僅卿父在軍門習知邊事居常恭恪動必忠勤眷乃才良可分憂寄今授卿延州刺史兼安塞軍使并賜官誥往延州既兼軍鎮且雜蕃戎防遏撫綏兩須得所宜勉所任用副朕懷

京谷兆府二十四縣耆壽謝賑貸表

朕勤求人隱慎卹農功念播植之時必資百種慮懸罄之日多乏見糧將使公私宜從斂散卿等登庶老業守先疇各勉農人以副朕意所謝知